

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 174. sjednici, održanoj dana 29.09.2022. godine, d o n o s i

## ZAKLJUČAK

### I.

Daje se saglasnost na Program obilježavanja „Dječije nedjelje“ u Zeničko-dobojskom kantonu za 2022. godinu koji čini sastavni dio ovog zaključka.

### II.

Zadužuju se Ministarstvo za rad, socijalnu politiku i izbjeglice, kao pokrovitelj aktivnosti i Udruženje „Medica“ Zenica i JU Centar za djecu i odrasle osobe s posebnim potrebama Zeničko-dobojskog kantona, kao nosioci aktivnosti, da u skladu sa zakonom i podzakonskim aktima, realizuju aktivnosti iz Programa iz tačke I. ovog zaključka, svako u okviru svojih nadležnosti.

### III.

Zaključak stupa na snagu danom donošenja.

Broj: 02-\_\_\_\_\_ /22  
Datum, 29.09.2022. godine  
Z e n i c a

**PREMIJER**  
**po ovlaštenju**

*Spahija Kozlić*

DOSTAVLJENO:

1x Ministarstvo za rad, socijalnu politiku i izbjeglice,  
1x Udruženje „Medica“ Zenica, putem Ministarstva.  
1x JU Centar za djecu i odrasle s posebnim potrebama  
Zeničko-dobojskog kantona, putem Ministarstva,  
1x a/a.

Na osnovu člana 135. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11, 3/15, 2/16 i 16/22) i Programa utroška sredstava planiranih Budžetom Zeničko-dobojskog kantona za 2022. godinu u Ministarstvu za rad, socijalnu politiku i izbjeglice, broj: 02-11-1194/22 od 20.01.2022. godine i broj: 02-11-12327/22 od 11.08.2022. godine, ministrica Ministarstva za rad, socijalnu politiku i izbjeglice, d o n o s i

## **P R O G R A M** **obilježavanja „Dječije nedjelje“ u Zeničko-dobojskom kantonu** **za 2022. godinu**

### **I. Uvodne napomene**

Zakonom o osnovama socijalne zaštite, zaštite civilnih žrtava rata i zaštite porodice sa djecom, član 94. - 96. („Službene novine Federacije BiH“, broj: 36/99, 54/04, 39/06, 14/09 i 45/16) i članom 134. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11, 3/15, 2/16 i 16/22) prva sedmica u mjesecu oktobru je određena kao „Dječija nedjelja“ na teritoriji Federacije BiH.

S obzirom da članom 32. Zakona o izvršenju Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22) nije utvrđena obaveza za raspisivanje javnog poziva za dodjelu planiranih budžetskih sredstava za obilježavanje „Dječije nedjelje“ u 2022. godini, a uzimajući u obzir trenutnu neizvjesnu epidemiološku situaciju, ograničena budžetska sredstva te promociju podrške djeci sa teškoćama u razvoju i djeci žrtvama nasilje na širem području Kantona, ministrica Ministarstva za rad, socijalnu politiku i izbjeglice (u daljem tekstu: Ministarstvo) se opredjelila da se i ove godine navedena aktivnost provede u partnerstvu sa Udruženjem „Medica“ Zenica i JU Centar za djecu i odrasle osobe s posebnim potrebama Zeničko-dobojskog kantona koje već imaju iskustvo u realizaciji „Dječija nedjelja“ i djeluju na širem području Zeničko-dobojskog kantona.

S obzirom da su Udruženje „Medica“ Zenica i JU Centar za djecu i odrasle osobe s posebnim potrebama Zeničko-dobojskog kantona iskazali zainteresovanost i dostavili prijedlog programskih aktivnost, Ministarstvo je podržalo dostavljene prijedloge programskih aktivnost za obilježavanje „Dječije nedjelje“ u Zeničko-dobojskom kantonu.

### **II. Obilježavanje „Dječije nedjelje“**

Na području Zeničko-dobojskog kantona, „Dječija nedjelja“ će se obilježiti organizovanjem i provođenjem planiranih programskih aktivnost za obilježavanje „Dječije nedjelje“ u Zeničko-dobojskom kantonu u okviru sljedećih projekata:

- 1. Projekat:** „Dječija nedjelja u Zeničko-dobojskom kantonu“
- Vrijeme:** Oktobar 2022. godine
- Nosilac aktivnosti:** Udruženje „Medica“ Zenica
- Pokrovitelj:** Ministarstvo
- Odobrena sredstva:** 7.500,00 KM

2. **Projekat:** „Sreća svijeta je u očima djeteta“  
**Vrijeme:** 03. – 10. oktobar 2022. godine  
**Nosilac aktivnosti:** JU Centar za djecu i odrasle osobe s posebnim potrebama  
Zeničko-dobojskog kantona  
**Pokrovitelj:** Ministarstvo  
**Odobrena sredstva:** 7.500,00 KM

### **III. Završne odredbe**

Program obilježavanja „Dječije nedjelje“ u Zeničko-dobojskom kantonu objavit će se na službenoj web stranici Zeničko-dobojskog kantona ([www.zdk.ba](http://www.zdk.ba)).

**MINISTRICA**

Broj: 09-31-13155-2/22  
Zenica, 14.09.2022.godine

---

Azra Sinanović

